

Գ. Գ. Գրիգորյան

ՀԱՅ ԾՈՎԱՅԻՆՆԵՐԸ ԿՈՎԿԱՍԻ ՀԱՄԱՐ ՄՂՎԱԾ ՄԱՐՏԵՐՈՒՄ

Սովետական Միության Հայրենական մեծ պատերազմը 1942 թ. ամռանը թևակոխում է նոր, մեր երկրի համար ավելի ծանր շրջան: Այդ ժամանակ իրադրությունը, հատկապես Սև ծովում, փոխվում է հոգուտ հակառակորդի: Եթե 1941 թ. ամռանը սովետա-գերմանական ռազմաճակատում գերմանացիները կենտրոնացրել էին 208 դիվիզիա, ապա 1942 թ. ամռանը դրանց թիվը հասնում է 237-ի, իսկ աշնանը՝ 266-ի¹: Ընդ որում, եթե գերմանական հրամանատարությունը 1941 թ. իր զորքերը շարժում էր ամբողջ ճակատով, ապա 1942 թ. իր ուժերը հիմնականում նա շարժեց հարավ և հարավ-արևելք:

Հիտլերականների բանակային «Ա» և «Բ» խմբավորումների ամառային հարձակումները սկսվում են Վորոնեժի և Ռոստովի ուղղություններով: «Բ» խմբավորումը դորժում էր Վորոնեժ—Ստալինգրադ, իսկ «Ա» խմբավորումը՝ Ռոստով—Կովկաս ուղղությամբ:

Այդ հարձակման նպատակն էր մի կողմից գրավել Ստալինգրադը, որպես կարևորագույն ռազմա-ստրատեգիական հանգույց, մյուս կողմից՝ սևծովյան նավահանգիստները, Կովկասի նավթային շրջանները և վերջապես ամբողջ Անդրկովկասը:

«Ա» խմբավորումն ուժեղացվելով տանկային 4-րդ բանակով, հուլիսի 25-ին շարժվում է դեպի Կովկաս: Այդ խմբավորման կազմի մեջ մտնում էին 11 հետևակային, 3 լեռնա-հրաձգային, 6 տանկային, 4 մեքենայացված, 3 հեծյալ դիվիզիաներ²: Ըստ պաշտոնական տվյալների, այդ խմբավորման կազմում հաշվվում էր 167 հազար զինվոր ու սպա, 1130 տանկ, 4570 հրանոթ ու ականանետ և մոտ 1000 ինքնաթիռ³: Ինչ խոսք, հակառակորդը ռազմաճակատի միայն այս հատվածում ուներ ուժերի հսկայական գերակշռություն: Այսպես, նրա կենդանի ուժը գերազանցում էր մեկուկես անգամ, հրետանին՝ 2 անգամ, տանկերը՝ համարյա 9 անգամ, ինքնաթիռները՝ 8 անգամ: Ահա ուժերի այսպիսի հարաբերակցությամբ սկսվեցին Կովկասի համար մղվող մարտերը:

Հակառակորդը կարճ ժամանակամիջոցում ձեռք բերեց տակտիկական զգալի հաջողություններ: Կարմիր բանակի առջև դրվեց դժվարին ու պատասխանատու խնդիր՝ կանգնեցնել դեպի Կովկաս շարժվող հակառակորդի «Ա» խմբավորման առաջխաղացումը, փոխել ուժերի հարաբերակցությունը և, ապա անցնելով վճռական հարձակման, գլխովին ջախջախել թշնամուն:

Պատմության մեջ այդ հերոսամարտը հայտնի դարձավ «Կովկասի պաշտպանություն» անունով: Այդ պաշտպանությունը հանդիսացավ անդրկովկաս-

¹ Տե՛ս «Սովետական Միության կոմունիստական պարտիայի պատմություն», երկրորդ լրացված հրատարակություն, Հայպետհրատ, Երևան, 1963, էջ 696:

² «Вторая мировая война 1939—1945 гг.», Воениздат, 1959, М., стр. 325.

³ См. «Краткая история Великой Отечественной войны Советского Союза», 1941—1945 гг., Воениздат, Москва, МО СССР, 1964, стр. 159.

յան և հյուսիս-կովկասյան ժողովուրդների բախտորոշ խոշորագույն իրադարձությունը: Կովկասի համար մղված մարտերը, որոնք տևել են 1942 թ. հուլիսի 25-ից մինչև 1943 թ. հոկտեմբերի 9-ը, բաժանվում են երկու շրջանի:

Առաջին շրջանը, որն սկսվում է 1942 թ. հուլիսի 25-ից և տևում մինչև 1943 թ. հունվարի սկիզբը, բնորոշվում էր որպես կարմիր բանակի ժամանակավոր նահանջի և համառ պաշտպանողական մարտերի շրջան:

Այդ շրջանում սովետական զորքերը, արտակարգ բարդ պայմաններում, ծանր մարտերով հետ քաշվեցին դեպի Կովկասյան նախալեռները: Զավթելով Ռոստովի շրջանը, Կալմիկական ԱՍՄՌ-ն, Կրասնոդարի և Օրջոնիկիձեի երկրամասերը, թշնամուն հաջողվեց ներխուժել նույնիսկ Կաբարդինա-բալկարական, Հյուսիսային-օսեթական և Չեչենո-ինգուշական ավտոնոմ հանրապետությունները: Սակայն հինգամսյա համառ դիմադրությամբ կարմիր բանակի հերոսական զորամասերը ձախողեցին գերմանա-ֆաշիստական հրամանատարության ծրագիրը:

Մեր երկրի հարավին սպառնացող վտանգը ավելի մոբիլիզացրեց և համախմբեց սովետական ժողովուրդին: Կովկասը պաշտպանելու դուրս եկան եղբայրական բոլոր ժողովուրդների զավակները: Կովկասի պաշտպանության մարտերում վառ կերպով դրսևորվեց սովետական ժողովուրդների լենինյան բարեկամությունը, նրանց ինտերնացիոնալ միասնությունը: Սովետական ռազմիկները մղում էին կենաց ու մահու կռիվ: Ինչպես զորային մյուս միավորումներում, այնպես էլ ծովային նավատորմի և ռազմածովային ավիացիայի զորամասերում անմահացան սովետական շատ ռազմիկներ: Հայրենիքի սերը նրանց ոգեշնչում էր նորանոր սխրանքների, հերոսական գործերի: Այդ արիացած ծովայինների շարքերում քիչ չէին նաև հայ ժողովրդի զավակները:

Նրանք Հայրենական մեծ պատերազմի տարիներին ապացուցեցին, որ ընդունակ են ոչ միայն շարքային նավաստի լինելու, այլև բարձրաստիճան հրամանատար, որով և մեկ ընդմիջտ հօգս ցնդեց ցարական շինովնիկների այն կանխակալ կարծիքը, թե «հայերը ծովից հեռու գտնվելով՝ հակում չունեն դեպի ծովը և ընդունակ չեն այդ դաժան և առանձնահատուկ ծառայությունը կատարելու»⁴:

1942 թ. ամռանը, երբ գերմանական զորքերը Կերչից շարժվեցին Կովկաս, մեր նավերը ետ քաշվելով դեպի կովկասյան ափերը, բազմակողմից նվիրոսիյակ, Տուապսե, Փոթի նավահանգիստներում: Հակառակորդը հարձակվեց այդ օբյեկտների վրա: Արտակարգ ծանրացավ նշված շրջանները պաշտպանող սովետական զորքերի վիճակը: Այդ դժվարին ժամանակաշրջանում Կովկասյան ռազմաճակատում էր գործում ՍՄՌՄ ռազմածովային ուժերի ժողովրդական կոմիսարի առաջին տեղակալ, նավատորմի ծովակալ, Սովետական Միության հերոս Իվան Ստեփանի Իսակովը (Հովհաննես Տեր-Իսահակյան): Դիմել 1942 թ. մարտին Իսակովը նշանակվում է Կովկասյան ռազմաճակատի հրամանատարի տեղակալ և ռազմական խորհրդի անդամ: Նա ղեկավարում էր Սևաստոպոլի մատակարարման դործը, կազմակերպում նվիրոսիյակի, Տուապսեի և Սև ծովի կովկասյան մյուս նավահանգիստների պաշտպանությունը:

Իսակովի անմիջական ղեկավարությամբ Սևծովյան նավատորմը նույնիսկ հարձակումներ էր գործում հակառակորդի Սև ծովի արևմտյան ափերի բազա-

⁴ Ի. Ս. Իսակով, Հայ ծովայինները Հայրենական մեծ պատերազմում, Հայպետհրատ, Երևան, 1946, էջ 9:

ների վրա: Այդ հարձակողական մարտերում նա կարողանում էր հմտորեն դորձակցել նավատորմի և ցամաքային զորքերի մարտական փոխգործողությունները, օգնել ուղղամիտ ռազմական գործողություններին փոխադրող զորամասերին:

Հոկտեմբերին ավելի է ծանրանում Տուապսի հատվածում գտնվող սովետական զորքերի վիճակը: Սեծովյան և ադովյան ռազմական նավատորմերին հրամայված էր օգնել ցամաքային զորքերին պաշտպանելու առափնյա շրջանները և թույլ չտալ թշնամուն ափ հանելու ծովային դեսանտ: Այս հատվածում գործող ծովային նավատորմը սեպտեմբեր-հոկտեմբեր ամիսներին թշնամու ուժեղ ուժակոծության տակ կարողացավ փոխադրել ավելի քան 50,000 սովետական ռազմիկներ և համազորային միավորումների համար անհրաժեշտ քանակությամբ բեռներ: Բսակովը գտնվում էր արյունահեղ մարտերի ամենաթեթև հատվածում: Հոկտեմբերի 6-ին թշնամու ուժակոծությունից ծովակալը ծանր վիրավորվում է և կորցնում գիտակցությունը: Դեռ առաջավոր գիծը շանցած նա նորից է ընկնում ուժակոծության տակ և այս անգամ զրկվում ձախ ոտքից:

1943 թ. մայիսին Բսակովը սովետական զենեակների թվում նորից զրավում է իր պատվավոր տեղը և իր 30-ամյա զինվորական ծառայության հարուստ փորձն ու անսպառ զիտելիքները ի սպաս դնում մեր հայրենիքի վերջնական հաղթանակի վեհ գործին:

Հայրենական պատերազմում աչքի ընկած ծառայությունների համար Բսակովը պարգևատրվում է Լենինի շորս, Կարմիր դրոշի երկու, Ուշակովի առաջին աստիճանի շքանշաններով: 1944 թ. մայիսին նրան շնորհվում է նավատորմի ծովակալի բարձրագույն կոչում: Այժմ դոկտոր, պրոֆեսոր Ի. Բսակովը զբաղվում է գիտահետազոտական աշխատանքով: Նա «Ծովային ատլաս» մեծածավալ աշխատության ղեկավոր խմբագիրն է, որի համար ղեկավար 1951 թ. արժանացել է պետական մրցանակի:

Հայրենական պատերազմի տարեգրության մեջ անմոռաց հիշատակ թողեց Սովետական Միության կրկնակի հերոս, փոխգնդապետ Նիկոն Ստեփանյանը: «Բալթյան մորկահավը», ինչպես անվանում էին նրան, իր գրոհիչ օդանավով գտնում էր թշնամուն, որտեղ էլ նա թաքնված լիներ: Ստեփանյանը մեծ դործ կատարեց սեծովյան զինավոր նավահանգիստների և կովկասյան ափերի պաշտպանության մարտերում: Նա գրոհում էր գերմանական տանկային և մոտոմեքենայացված զորասյուների վրա և ոչնչացնում թշնամու բազմաթիվ տանկեր, կենդանի ուժ, տեխնիկայի այլ միջոցներ, գետանցման ուղիներ: Սովետական բազեի տարերքը հերոսությունն էր, սխրագործությունը:

Սեծովյան նավատորմում աչքի ընկած ծառայության համար Ն. Ստեփանյանը 1942 թ. հոկտեմբերին արժանացավ Սովետական Միության հերոսի կոչման: Բալթյան ռազմաճակատի նավատորմի բաղկարչության լույս ընծայած թերթիկում գետնի վրա Ն. Ստեփանյանի հանդիսավոր խոստման մեջ ասված է. «Քանի դեռ բաբախում է սիրտս, իմ սրբազան պարտքն է մինչև արյանս վերջին կաթիլը պաշտպանել իմ սիրելի հայրենիքը, մեր հիանալի սովետական ժողովուրդը»⁷:

5 Генерал-майор И. В. Тюленев, Через три войны. Воениздат, МО СССР, Москва, 1960, стр. 244.

6 Տե՛ս «Պրավդա», 15 մարտի 1951, № 74:

7 ЦМСА, ф., Герои Советского Союза, фотолитовка № 69510.

Հետագայում ներսոն Ստեփանյանն իր ռազմական ողջ տաղանդը և ընդունակությունները ծառայեցրեց սովետական Բալթիկայի ազատագրմանը: Նա հերոսի մահով զոհվեց 1944 թ. դեկտեմբերի 14-ին, Բալթիկայի համար մղված ռզալին արտակարգ ծանր մարտում: ՍՍԽՄ Գերագույն սովետի նախագահությունը 1945 թ. մարտի 6-ին փոխգնդապետ Ն. Գ. Ստեփանյանին համահունչնորհեց Սովետական Միության կրկնակի հերոսի կոչում: Նա հայ ժողովրդի միակ կրկնակի հերոսն է:

Սևծովյան առափնյա պաշտպանության ծովային զորքերի կազմում աչքի ընկնող ծառայությունն է մատուցել դիտողության և կապի ծառայության պահակակետի պետ, երկրորդ աստիճանի ավագ Հրանտ Գասպարյանը: Հակառակորդի ինքնաթիռները տարբեր ժամանակներում պահակակետի շուրջը նետում էին մոտ 800 ռումբ, գերմանական կործանիչներն ու ռմբակոծիչները գնդացիրներով ու թնդանոթներով ռմբակոծում էին պահակակետը, սակայն Գասպարյանն իր անձնակազմով կանգուն է մնում մարտական պոստում:

1942 թ. օգոստոսի վերջին ֆաշիստական 24 ռմբակոծիչ պահակակետի շրջակայքում գտնվող կատերի վրա, նետում են 84 ռումբ: Գասպարյանը իր մարտիկների հետ, կյանքը վտանգի ենթարկելով, փրկում է կատերների անձնակազմի 20 վիրավոր նավատորմայինի:

Դրանից մի քանի օր հետո, երբ թշնամու ավտոմատավորները շրջապատում են պահակակետը, Գասպարյանը երկու նավատորմայինի թողնում է հետախուզություն կատարելու համար, իսկ ինքը չորս գինվորի հետ մարտի է մտնում թշնամու դեմ: Չնայած գերմանացիների թվական գերակշռությանը, պահակակետի անձնակազմը Գասպարյանի հրամանատարությամբ, արիաբար է մղում թշնամու ավտոմատավորների գրոհները, առանց նահանջելու դիմանում մինչև էվակուացման հրաման ստանալը:

Սևծովյան նավատորմի ծովային հետևակի 7-րդ բրիգադի 4-րդ գումարտակի հետախույզ Կարապետ Նահապետյանը հետախուզության ժամանակ սողալով մոտենում է 50 միլիմետրանոց ականանետային մարտկոցի, նռնակներով շարքից հանում մեկ ականանետ, իսկ մյուս երկու ականանետից կրակի տարափ տեղում խուճապահար փախչող հիտլերականների վրա, ապա շարունակում առաջ սողալ դեպի հակառակորդի դժուր: Գրավելով դժուր, Նահապետյանը գնդացրային կրակով ոչնչացնում է ավելի քան 40 գերմանացի: Նա մարտի դաշտից դուրս է բերում մեկ վիրավոր գինվորի և թշնամու 50 մմ-ոց ականանետը⁸: Այս սխրագործության համար նավատորմային Կարապետ Նահապետյանը պարգևատրվում է Կարմիր աստղի շքանշանով:

1942 թ. նոյեմբերին Ստալինգրադի տակ սովետական բանակի հարձակմամբ վերջնականապես շրջապատվեց և գլխովին ջախջախվեց ֆելդմարշալ Կոն-Պաուլուսի 330 հազարանոց բանակը: Մեր զորքերի այդ հարձակումը հանդիսացավ Հայրենական պատերազմի արմատական բեկման սկիզբը:

Այդ հաղթանակը պայմաններ ստեղծեց սովետական զորքերի ստրատեգիական մեծ հարձակման, մեր հայրենիքի տերիտորիայից ֆաշիստական զավթիչների մասսայական վոնգման համար: Սովետական զորքերը ստալինգրադյան մարտերից հետո սկսում են ջախջախել թշնամու Կոտլինիկովյան խմբա-

⁸ СЕ'в Архив ЦВ Морской музей $\frac{54}{C}$ 61, стр. 4.

վորումը, զարգացնում հարձակումը Ռոստովի ուղղությամբ և ուժեղ մարտեր մղում Կովկասյան ռազմաճակատում:

Կովկասի պաշտպանության երկրորդ շրջանը ընդգրկում է 1943 թ. հունվարից-հոկտեմբեր ամիսները: Դա արդեն հարձակողական մարտերի շրջանն էր: Սովետական զորքերը վճռական պորժողություններով ավարտեցին թշնամու ջախջախումը Կովկասում և զերմանա-ֆաշիստական ղավթիչներից աղատագրեցին Հյուսիսային Կովկասը:

1943 թ. հունվարի 16-ից սկսված խմբավորման զորքերը Կրասնոդարի ուղղությամբ անցնում են հակահարձակման և հունվարի վերջին կոտրելով հակառակորդի համառ դիմադրությունը, միանում 37-րդ բանակի ձախ թևին ու միացյալ ուժերով հարվածում թշնամուն: Հարձակողական մարտերի այդ շրջանում սովետական բանակը Մոզդոկից, Մալգոբեկից և Կովկասյան նախալեռներից մարտերով հասնում է Նյսկ, Ազովի ծովի ափերը, հակառակորդին պատճառելով մեծ կորուստներ:

Այս էտապի ամենակարևոր պորժողություններից են՝ Կրասնոդարի և Նովոռոսիյսկի դեսանտային օպերացիաները:

Նովոռոսիյսկի դեսանտային օպերացիայում վճռական մարտեր է մղում մայոր Յևդար Կունիկովի⁹ հրամանատարությամբ պորժող սկսված 800 նավաստիներից բաղկացած դեսանտային խումբը: Այդ խումբը հաղթահարելով անասլի դժվարություններ, 1943 թ. փետրվարի 3-ի լույս 4-ի գիշերը, Միսխակո հրվանդանում, որը այդ մարտական պորժողությունների ժամանակ հայտնի դարձավ Մալայա Զեմլյա անունով, դրավում է 4 կմ երկարությամբ և 2 կմ խորությամբ մի բնագիծ և այն իր ձեռքում պահում մինչև Նովոռոսիյսկի ազատագրումը:

Մալայա-Զեմլյայում առաջին դեսանտ իջնողների մեջ քիչ չէին նաև հայ ժողովրդի զավակները: Այսպես, գումարտակի հրամանատար Գուրգեն Շահբատովը, ավտոմատավորների ջոկի հրամանատար Վլադիմիր Վարդանովը, հեռախոսավար խաչատուր Մեհրաբովը, կարմիրնավատորմայիններ Վաղարշակ Դիլյանը, Վարդգես Սամվելյանը, Սերգեյ Մարտիրոսյանը, գնդադրոշներ Բաբկեն Ավագյանը, Ռուբեն Օրդուխանյանը, հրետանավոր Սուրեն Պետրոսյանը և շատ ուրիշներ, որոնք հրամանատարության առաջադրանքները սրբությամբ ու արիությանը կատարելու համար արժանացան կառավարական պարգևների:

Մալայա-Զեմլյայի դեսանտային պորժողությունների ակտիվ մասնակից է նաև կոմերիտուհի Վալենտինա Լիվյանը: Վալենտինան 17 տարեկան էր, երբ սկսվեց հայրենական պատերազմը: Կապավորների կարճատև դասընթացներն ավարտելուց հետո նա մեկնում է ռազմաճակատ և մասնակցում գերմանա-ֆաշիստական ղավթիչների դեմ մղվող մարտերին: 1943 թ. մարտինում է Կրիմսկայա ռնակավայրի համար մղվող կռիվներում, ապա ժողային հետևակի 255-րդ կարմրադրոշ բրիգադի 327-րդ առանձին գումարտակի կազմում՝ Մալայա-Զեմլյայի դեսանտային մարտերում:

Կապավոր Վալենտինա Լիվյանն ապահովում էր անխափան կապը գումարտակի և վաշտերի միջև: Հաճախ թշնամու կրակի տակ, ձմեռվա սառնամանիքին նա անց էր կացնում հեռախոսային գիծ: Մարտերի ժանր պահերին,

⁹ Կունիկովը զոհվում է փետրվարի 12-ին Մալայա Զեմլյայում և ետմահու արժանանում Սովետական Միության հերոսի կոչման: Այժմ Միսխակոն կոչվում է Կունիկով:

խիզախ կապավորուհին, որպես գթության բույր, մարտի դաշտից դուրս էր բերում նաև վիրավորներին և բժշկական օգնություն ցույց տալիս¹⁰։

Հայ ծովայիններն անմահացան նաև հռչակավոր «Սեաստուպոլ» գծանավի մղած մարտերում։ Ավելի քան 20 ազգության ներկայացուցիչների թվում էին՝ հեռաձիգ Գրիգոր Հակոբյանը, ծանր հրանոթի հրամանատար Միհրան Պետրոսյանը, նավատորմայիններ Մանուկյանը, Մեղրիկյանը, Սիմոնյանը, Զեյթունյանը, հաշատրյանը, Նդիազարյանը, Առաքելյանը և շատ ուրիշներ, որոնք իրենց քաջագործություններով հավերժացրին թե՛ իրենց և թե՛ հարազատ ժողովրդին։

Գծանավի ամբողջ անձնակազմը ակտիվորեն մասնակցել է 1943 թ. փետրվարի 3-ին Նովորոսիյսկ—Միսխակո հենակետում դեսանտ իջեցնելուն։ Արհամարհելով բնական ու արհեստական խոչընդոտները, նավի անձնակազմը հենակետ հասցրեց մայրը Յեզար Կունիկովի դեսանտայիններին։ Գծանավը նման մարտական արշավ կատարեց նաև փետրվարի 6-ի գիշերը։ Սովի 7-բալանոց փոթորկահույզ ալեկոծության պայմաններում, թշնամու տեղատարափ կրակի տակ գծանավը կատարեց ևս 11 մարտական արշավ¹¹։ Այս ամենը օժանդակեց ընդհանուր հարձակմանը, Նովորոսիյսկի և Կովկասի ազատագրմանը։

1943 թ. փետրվարի վերջին Գելենջիկում ծովափնյա զորամասերը նախապատրաստվում էին դեսանտային համալրումներ ուղարկելու Մալայա-Զեմլյա։ Ավագ Ռուբլյովի մոտոբոտին հրամայվում է դեսանտային լրիվ սպառազինված մեկ ջոկատ՝ թվով 45 հոգի, հասցնել Միսխակո։ Գիշերվա խավարում մոտոբոտը մոտենում է Միսխակոյի ափերին։ Գուղուն լեռան զազաթներում դարանակաված հակառակորդը նկատում է մոտեցող մոտոբոտին և անմիջապես ականանետային հուժկու կրակ բացում։ Այդ միջոցին մոտոբոտի հրամանատարի տեղակալ Զավեն Նդիազարյանը ծովում նկատելով թշնամու մագնիսային ականը, հրացանի կրակով պայթեցնում է այն։ Թշնամին ավելի է ուժեղացնում կրակը։ Նդիազարյանը հրետանուց դիպուկ կրակ է տեղում հակառակորդի վրա, լուցնում նրա շորերը կրակակետը։ Դեսանտային ջոկատը բարեհաջող ափ է իջնում և անցնում հարձակման։ Իսկ մոտոբոտի անձնակազմը չորս ժամ տևող կատաղի կռիվից հետո վերցնում է 11 ծանր վիրավորի, վերադառնում Գելենջիկ։ Մարտական այս առաջադրանքն անթերի կատարելու համար մոտոբոտի ողջ անձնակազմը արժանանում է հրամանատարության շնորհակալությանը, իսկ ավագ Ռուբլյովը, Նդիազարյանը և մոտոբոտիստ Լյապուկինը սլարգետներվում են Կարմիր աստղի շքանշանով։

Ծովային հետևակի 393-րդ ինժեներական դումարտակում էր ծառայում Էֆրեյտոր Ժորա Մակարյանը։ Ծովում ականադերծելով ճանապարհը, գումարտակը նավով մոտենում է ծովախորշին և ափ իջնելով անմիջապես գրոհում Նովորոսիյսկի երկաթուղային կայարանի վրա։ Սակրավոր Մակարյանը ընթանում էր գումարտակի առջևից, և մարտի դաշտից հեռանում է միայն ծանր վիրավորվելուց հետո։ Խիզախ սակրավորը արժանանում է Հայրենական պատերազմի առաջին աստիճանի շքանշանի։

¹⁰ ՀՊՊԿ արխիվ, ֆ. 253, Վ. Լիվյանի պարգևատրումները։

¹¹ См. Архив ВМФ, МО СССР, $\frac{СФ}{С}$ 265. инв. № 53, стр. 107.

Նովորոսիյսկի և Թամանի ազատազրման մարտերում աչքի ընկնող ծառայություններ կատարեց նաև ավագ նավատորմային Հիրակ Թումասյանը։ Կոմերիտական Թումասյանը «էրլիկոն» հրանոթի երկրորդ համարն էր։ Փետրվարի ցրտաշունչ օրերին նա կատաղի կրակով լուցնում է հակառակորդի կրակակետերը և ապահովում հետախույզների ափ հանումը։ 1943 թ. հուլիսի 29-ին հակառակորդի «Յու-87» տիպի 23 ինքնաթիռ և 8 «Մեսերշմիդտներ» սկսում են ուժեղացնել մեր զորամասերի դասավորությունները։ «էրլիկոնը» կրակ է բացում նրանց վրա և դիպուկ հարվածով շարքից հանում մեկ «Յու-87»։ Հետագա մարտերում «էրլիկոնը» իր անձնակազմով շարունակում է լուցնել և ոչնչացնել հակառակորդի զնդացրա-հրետանային կետերը։ Այդ բոլոր գործողություններին ակտիվ մասնակցելու համար Հիրակ Թումասյանը պարգևատրվում է Կարմիր աստղի շքանշանով։

Հայրենական պատերազմի առաջին աստիճանի շքանշանակիր բոցման Արշակ Առաքելյանը գտնվում էր այն տորպեդային նավի վրա, որը ներխուժելու էր Նովորոսիյսկի նավահանգիստը և տորպեդային հարվածով ճնշելու հյուսիսային ծովապատնեշի և Կապստաժնայա նավահանգստի հակառակորդի կրակային կետերը։ Բոցման Առաքելյանի ջանքերի շնորհիվ կատերի նյութական մասը աշխատում է անխափան։ Նրա կատերից արձակած տորպեդները դիպուկ հարվածով ոչնչացնում են մեկ դոտ և 45 միլիմետրանոց ավտոմատ թնդանոթը, հեշտացնելով դեսանտայինների անարգել մուտքը նավահանգիստ։ Այնուհետև տորպեդային կատերը Կաբարդինսկայայից դեսանտ է տեղափոխում Կապստաժնայա։ Այդտեղ Առաքելյանը ոչնչացնում է ևս երկու կրակակետ՝ դեսանտայինների համար ճանապարհ բացելով դեպի ափ¹²։

Պահակային կատերի հրամանատար ավագ լեյտենանտ Միքայել Սահակյանի անունը անխզելիորեն կապված է Օդեսայի, Սևաստոպոլի, Թեոդոսիայի, Կերչի, Նովորոսիյսկի, Անապայի, Թամանի համար մղված մարտերի հետ։ Նա կատարում էր տարբեր մարտական առաջադրանքներ. նրան կարելի էր տեսնել փոխադրանավերին ուղեկցելիս՝ պահպանելով նրանց թշնամու ականանետերից ու խոյրնթաց ուժեղացնողներից, հետախույզ ջոկատների ափհանմանը օգնելիս, կլիմայական անբարենպաստ պայմաններում հակաօդային դիտողությունը ապահովելիս։

1943 թ. սեպտեմբերի սկիզբն էր։ Կարմիր բանակի, ինչպես մյուս միավորումները, այնպես էլ ռազմածովային զորամասերը պատրաստվում էին Նովորոսիյսկի վրա գրոհելու։ Ավագ լեյտենանտ Սահակյանի պահակային-դեսանտային կատերը, դեսանտ հանելու հետ մեկտեղ, պետք է ճանապարհ բացեր մնացած կատերների գործողության համար։ Երբ հրետանային նախապատրաստությունից հետո կատերը շարժվում է դեպի ափ, գերմանացիները նրա վրա ականանետային կրակ են բացում։ Այդ տեղատարափ կրակի տակ կատերը մոտենալու էր ափի այն մասին, որտեղ գտնվում էին գերմանական ավտոմատավորները։ Այսպիսի լարված պայմաններում ամեն ինչ կախված էր հրամանատարի ճիշտ կողմնորոշումից։ Այդ օրհասական ռոպեններին, երբ հրամանատարն ամեն ինչ մոռացած մտածում էր միայն դեսանտը հաջող տեղ հասցնելու մասին, հանկարծ հնչում է ազդանշանորդի ձայնը.

— Աջ կողմից տորպեդ։

12 Տե՛ս ՀՊՊԿ արխիվ, ֆ. 253, դ. 8, թ. 3—4։

— Դեպի առաջ, լրիվ ընթացք,— հրամայում է Սահակյանը:

Բայց արդեն ուշ էր: Տորպեդո մեխվել էր կատերի մեջ, մեքենայական մասում բացելով 65 սմ-անոց ճեղքվածք: Ջուրը ներխուժում է բաժինը: Ավագ նավատորմային խորվովը նետվում է դեպի ճեղքվածքը և իր մարմնով փակում այն: Համառ կռիվներով կիսով չափ ջրասուզված կատերը ներխուժում է նավահանգիստ: Առաջինը ցամաք է դուրս գալիս ավագ բոցման Սկովնինը, որը դիպուկ զնդացրային կրակով ցրում է թշնամու ավտոմատավորներին և ճանապարհ բացում դեռանտայինների համար: Պահակային կատերը իր փորձված հրամանատար Սահակյանի գլխավորությամբ հաջողությամբ կատարում է մարտական առաջադրանքը: Նովորոսիյսկի ազատագրման մարտերում հրամանատարության առաջադրանքները օրինակելիորեն կատարելու համար դիվիզիոնը արժանանում է «Նովորոսիյսկյան» անվան, իսկ Սահակյանը պարգևատրվում է Հայրենական պատերազմի առաջին աստիճանի և Կարմիր դրոշի շքանշաններով¹³:

Նույն գործողության ժամանակ աչքի ընկավ նաև կրտսեր սերժանտ Առուստամ Դավթյանը: Նա առաջիններից մեկը ափ իջնելով հակատանկային հրացանով ոչնչացնում է թշնամու զնդացրային երկու կետ և 20 ֆաշիստ. ծանր վիրավոր վիճակում նա շարքից հանում է ևս մեկ ավտոմեքենա: Այս մարտերին ակտիվ մասնակցելու համար կրտսեր սերժանտ Դավթյանը արժանանում է Հայրենական պատերազմի առաջին աստիճանի շքանշանի:

Նովորոսիյսկի համար մղված մարտերի ակտիվ մասնակից էր նաև ծովային գումարտակի զնդացրորդ, երկրորդ կարգի ավագ խաչատուր Բուկունցը: 1943 թ. սեպտեմբերի 11-ին ծովային հետևակի 393-րդ առանձին գումարտակի ստորաբաժանումները ափ են իջնում ածխային նավամատուցի շրջանում: Այդտեղ Բակունցը իր ընկերներով ոչնչացնում է մեկ տանկ, նռնակներով պայթեցնում թշնամու դգօտը, շարքից հանում հիտլերականներին, զրավում մեկ զնդացի և երեք ավտոմատ: Սեպտեմբերի 12-ին ջոկը ջրով բավարարելու նպատակով, Բակունցը իր ընկերներով զրավում է ակումբի շենքի ներքնահարկը և լուծում ջրի հարցը: Հաջորդ օրը, զարգացնելով մարտական գործողությունները, ջոկը ամբողջովին զրավում է ակումբը, ոչնչացնում հակառակորդի 19 զինվոր ու սպա, վերցնում շորս «լեզու» և ռազմաավար: Միայն ծանր վիրավորվելուց հետո Բակունցը թողնում է մարտադաշտը:

Կովկասի ազատագրման համար մղված հարձակողական գործողություններին ակտիվ մասնակցում են նաև 4-րդ և 8-րդ օդային բանակի ռժները: Այդ բանակների տարբեր ստորաբաժանումներում ծառայում էին բազմաթիվ հայ օդաչուներ, որոնց թվում իրենց պատվավոր տեղն են զրավում գվարդիայի փոխզնդապետ Վազգեն Օզանեսովը, կապիտան Հակոբ Մանուկյանը (հետագայում Սովետական Միության հերոսներ), գվարդիայի կապիտաններ Վարդգես Վարդանյանը, Գուրգեն Բաղդասարովը, լեյտենանտ Շավարշ Պողոսյանը և շատ ուրիշներ, որոնցից շատերը իրենց երիտասարդ կյանքը նվիրաբերեցին հարազատ Կովկասի ազատագրմանը:

Գվարդիական 8-րդ զրոհային ավիագնդի բազենները Նովորոսիյսկի վրա մարտական թռիչքներ էին կատարում Գելենջիկի օդանավակայանից: Հրետանային զնդակոծությամբ գերմանացիները մտադրվել էին շարքից հանել ավիա-

¹³ ՀՊՊԿ արխիվ, ֆ. 253, գ. 40.

դուռը, բայց գրոհայինները դրանից չեն սասանվում, նրանք շարունակում են իրենց մարտական գործողությունները:

Այդ գնդի էսկադրիլիաներից մեկի հրամանատարն ու գնդի պարտկադմակերպության քարտուղարն էր սևծովյան օդաչուների մեջ իր քաջագործություններով արդեն փառաբանված զվարդիայի կապիտան Վարդգես Վարդանյանը: Գնդի կազմում նա մասնակցել էր Սևաստոպոլի 256-օրյա հերոսական պաշտպանությանը, որի համար արժանացել էր Կարմիր դրոշի երկու շքանշանի: Այնուհետև Վարդանյանի խնդրանքով հրամանատարությունը նրան ուղարկում է Հյուսիսային Կովկաս, որտեղ նույն գնդի կազմում մասնակցում է նովորոսիյսկի օպերացիային:

Վարդանյանի անձնական հաշվում գրանցված է 118 մարտական թռիչք: Նա ոչնչացրել է թշնամու 26 տանկ, 23 պահականավ ու բեռնանավ, 80 ավտոմեքենա՝ բեռներով և 12 հազարից ավելի հիտլերական:

Բացելով նրա օրագրի 1943 թ. օգոստոսի 12-ի գրառումը, կարգում ենք հետևյալը. «Հայրենիքը, կուսակցությունը ամեն բանից թանկ են և չեմ ցավում, եթե զոհվեմ մեր մեծ գործի համար, մեր հայրենիքի ազատագրության գործի համար»¹⁴:

Նրա անունը չէր իջնում ճակատային «Չերնոմորսկի սոկոլ», «Կրասնի չերնոմորեց», «Ձա րոդինու», «Կրասնի ֆլոտ» թերթերի էջերից: Այդ թերթերում գետնոված բազմաթիվ հոգվածները Վարդանյանին որակում են որպես բոցաշունչ հայրենասերի, խիզախ և անվախ օդաչուի, հոգատար ու կարեկցող հրամանատարի ու ընկերոջ: «Կրասնի չերնոմորեց» թերթում կարգում ենք. «Օգոստոսի 26-ին Սովետական Միության հերոս, զվարդիայի մայոր Եֆիմովի օդաչուները, առաջատար կապիտաններ Վարդանյանի և Կոնյուխի ղեկավարությամբ հանկարծակի գրոհով ուժեղացրին նավահանգիստներից մեկում գտնվող թշնամու պահեստները: Այդ օպերացիայի ժամանակ խորտակվեցին դեսանտային արագընթաց շորս բեռնանավ, պահակային հինգ կատեր: Պայթեցվեցին մարտական նյութերի մեկ և վառելանյութի երկու պահեստ, վնասվեցին պահակային վեց կատեր»¹⁵:

Սեպտեմբերի 11-ին 8-րդ գրոհային գնդի երկրորդ էսկադրիլիան առաջադրանք է ստանում գրոհելու նովորոսիյսկ կայարանի ուղղությամբ առաջ շարժվող գերմանական տանկերի և հետևակի վրա: Էսկադրիլիան, որը բաղկացած էր յոթ ինքնաթիռից, առաջնորդում էր զվարդիայի կապիտան Վ. Վարդանյանը: Հենց առաջին նետած ումբերով հրամանատարը և նրա տեղակալ կապիտան Պարմենովը ոչնչացրին հակառակորդի երկու տանկ: Գերմանացիները բացեցին զենիթային ուժեղ կրակ: Գվարդիականները շփոթվեցին: Նրանք անվախ գնում էին իրենց սիրելի հրամանատարի հետևից: Վարդանյանի ղեկավարությամբ օդաչուներ Միխայլովը, Մելիկովը, Յուլիկովը, Ժիտկովը, Ուգարովը կրակի հեղեղ տեղացին հիտլերականների վրա: Իրար հաջորդող մի քանի գրոհների ժամանակ նրանք ոչնչացնում են ևս երեք տանկ, մնացածները ետ են քաշվում: Մեր գրոհիչները ուժեղացնում են թշնամու հետևակային կուտակումները:

14 Հողի արխիվ, ֆ. 244, գործ 24, էջ 59:

15 «Красный черноморец», 29 августа, 1943.

Նովորոսիյսկի համար մղվող կատաղի մարտերում, որոնք տևեցին յոթ օր, 8-րդ գրոհային ավիագունդը կատարում է 1097 մարտական թռիչք¹⁶, թռչնամուն հասցնելով մեծ կորուստներ:

Ավիացիոն 2-րդ դիվիզիան, որի կազմի մեջ էր 8-րդ գրոհային գունդը, Նովորոսիյսկ քաղաքի ազատագրման համար արժանանում է «Նովորոսիյսկյան» անվանը: Սակայն փառաբանված օդաչու վարդանյանը չի տեսնում այդ ուրախալի օրը: Սեպտեմբերի 14-ին Անապա նավահանգիստը ռմբակոծելիս՝ զենիթային հրետանու ուժեղ կրակից վնասվածք է ստանում նրա ինքնաթիռը և, նպատակակետից հեռանալիս, նրա վրա են հարձակվում մի քանի ռմբակոծիչներ, որոնց շահմատաձև կրակից շարքից դուրս է գալիս օդանավը և բոցավառված ընկնում Սև ծովը՝ իր հետ տանելով նաև վարդգես վարդանյանին:

Գնդի պատմության մեջ կապիտան վարդանյանի մասին դրված է հետևյալը. «Վարդանյանի փառաբանված անունը հավիտյան կմնա նրանց հիշողության մեջ, ովքեր նրան ճանաչում էին: Նա մի կուլտուրական, համեստ, խիզախ օդաչու էր, սիրում էր իր ստորադրյալներին, սովորեցնում մարտական վարպետություն, պահանջկոտ էր ու արդարացի, վայելում էր ամբողջ անձնակազմի սերն ու հարգանքը»¹⁷:

1943 թ. հոկտեմբերի 9-ին Թամանի ազատագրումով ավարտվեցին Կովկասի համար մղված 15-ամսյա կատաղի մարտերը:

Կարմիր բանակը Հյուսիսային Կովկասը ազատագրեց ֆաշիստական գործերից: Իրականացավ անդրկովկասյան ժողովուրդների սրբազան երդումը՝ զլուխները շխոնարհել գերմանական զավթիչների առաջ:

Հայրենական պատերազմում, Կովկասի համար մղված մարտերի հերոսապատմաների մեջ իրենց ավանդը ներդրին նաև հայ ծովայինները, որոնք, ձեռք բերելով ռազմական մեծ հմտություն, այն գործադրեցին ֆաշիզմի վերջնական ջախջախմանը:

К. Г. Григорян

МОРЯКИ-АРМЯНЕ В БОЯХ ЗА ОБОРОНУ КАВКАЗА

Р е з ю м е

На основе архивных документов и других исторических материалов, автор показывает участие армян в боях Великой Отечественной войны в составе частей морского флота и авиации, обороняющих Кавказ. В смертельных схватках с врагом армяне-моряки и летчики морской авиации бок о бок с русскими, украинцами, грузинами и представителями других национальностей Советского Союза защищали родную землю, показывая яркие примеры воинской доблести и отваги. По достоинству оценив их вклад в дело окончательного разгрома врага, советское правительство удостоило многих из них высоких почестей и наград. Их имена ныне стали гордостью всего советского народа.

¹⁶ Архив ЦМВМ флота — $\frac{\text{СФ}}{\text{Р}}$ — 576, стр. 106.

¹⁷ Архив ЦМВМ флота — $\frac{\text{СФ}}{\text{Р}}$ — 576, стр. 45.